

2. *) HYMNUS EPIPHANIAE.

Quicumque Christum quaeritis,
 Oculos in altum tollite,
 Illic licebit visere
 Signum perennis gloriae.
 Haec stella, quae solis rotam
 Vincit decore, ac lumine,
 Venisse terris nunciat
 Cum carne terrestri Deum.
 Non illa servit noctibus,
 Sequuta lunam menstruam,
 Sed sola coelum possidens,
 Cursum dierum temperat.
 Arctoa quamvis sydera
 In se retortis motibus
 Obire nolint, attamen
 Plerumque sub nimbis latent.
 Hoc sydus aeternum manet,
 Haec stella nunquam mergitur,
 Nec nubis occursum abditam
 Obumbrat obductam facem.
 Tristis cometa intercidat,
 Etsi quod astrum Sirio
 Fervet vapore, jam Dei
 Sub luce destructum cadat.
 En Persici ex orbis sinu,
 Sol unde sumit januam,
 Cernunt periti interpretes
 Regale vexillum Magi.
 Quod ut refulsit, caeteri
 Cessere signorum globi,
 Nec pulcher est ausus suam

*) Opp. Prudentii. Bas. 1527. p. 106—115.